



A pe rei d'ign machuel,
 Pei jõe von d'elzel,
 Er port-uen dangens,
CANNEN

Me tremen deuen
 Hac er mès de hédél,
BARAQUIS,

Quant èl ma von del
 Me tangenou tottel,
 Me ham saou en èr
 Ar un Ton hanahuet ;

Jésus! peh pléjadur
 Aveit un inéan pur
 E zou é gràce Doué } *bis.*
 Hac en é garanté!

Me gav bèr en amzèr,
 Hac er poènieu distèr,
 Dé ha noz pe chongéan } *bis.*
 Èr joyeu ag en Néan.

A pe sellan d'er lhué,
 Doh mem bro, doh en né,
 D'ino é càrèhen } *bis.*
 Neigeal èl ur glom huen.

— 2 —

Mæs allas! chom e rein,
 Beta ne dremenein,
 Èl ur guir brisonnér,
 Èn ur horv zou ponnér. } *bis.*

A pe zeï d'eign merhuel,
 Peh joé vou délezel,
 Er horv-men dangerus,
 Anemis de Jésus! } *bis.*

Guet hirreah é hortan,
 Me zremen deuéhàn,
 Hast e mès de hùélèd,
 Jésus men guir brièd, } *bis.*

Quentéh èl ma vou bet
 Me rangenneu torret,
 Me hum saùou én ér,
 Èl ma ra un huédér. } *bis.*

Tremen e rein el loér,
 Aveit monned d'er gloér,
 Ar en héaul, er stired,
 En hum gavein douguet. } *bis.*

Ha nezé me larou :
 Tud mem bro, quenavou;
 Quenavou bed chiffus,
 Ha béhieu anquinus. } *bis.*

Quenavou peuranté,
 Quenavou ol tristé,
 Quenavou trebilleu,
 Quenavou péhedeu. } *bis.*

— 5 —

Pelloh ne zouguein quet
 Rangen er Goal-Speret;
 Mæs aveit birhuiquin
 Men Doué en hou carein! } *bis.*

Er péhedeu marvel,
 Nac erré veniel
 N'elleint quet m'attaquein,
 N'a jamæs me féahein. } *bis.*

Changet em bou a stad
 Aveit mem brassan vad;
 Ha me guittei en doar
 Hemb anquin na glahar. } *bis.*

Me hùélou discaret
 Me ol anemiset,
 Ha mé victorius
 Dré hou cræce, ô Jésus! } *bis.*

A bep tu pe sellein,
 Quement tra e hùélein
 E gargou me halon
 A gonsolation. } *bis.*

Dor en néan diguéor-caër
 Eit me receu ér gloér,
 Er Sænt ha Santezed
 Prest d'em dégueméred. } *bis.*

Guet joé en el laran,
 Devis de zèn n'ellan
 En triomfl e hùélein
 Er gloér pé antréein. } *bis.*

— 4 —

M'hum hùélou receuet
 È palæs en drindet,
 È creis en inourieu
 Hac er mélodieu. } *bis.*

Hac ino aveit mad
 È hùélein Doué en Tad,
 Guet é Vab éternel
 Hac er Spered-Santel. } *bis.*

Me hùélou me Jésus,
 Guet un ér gracios,
 È laquad ar me fen
 Er gaërran couronnen. } *bis.*

A p'em déguemérou,
 Ag é berh me gleou:
 Dès, servitour fidel,
 Dès d'er gloér éternel. } *bis.*

Chongeamb ol dré avance
 Peh quer caër recompanço
 Zou d'emb ol prepalet
 È palæs en drindet. } *bis.*

Èr baraouis hemb quin
 Ni ellou compreinein
 Petra e talhue en néan,
 Hac é joyeu brassan. } *bis.*

Aveit poénieu distér,
 Aveit anquinieu bèr,
 Ni e vou payet mad
 Guet hun Doué, hun gùir dad. } *bis.*

— 5 —

È hùéled nezé Doué,
 Guet er Sænt, en Ælé,
 Ni e vou ol coutant,
 Hemb eun a changemant. }bis.

Caër e vou de hùélet
 Er huerhiès beniguet,
 Guet en deuzec stiren
 E ra hé houroñnen, }bis.

Ni e hùélou open,
 Ranquet èn ur vanden,
 En Ælé, Arhælé,
 Ol é véleïn ou Doué. }bis.

È canneïn hemb arsaù,
 Ar un ton caër ha braù,
 Bennoh ha mélodi
 D'hou Doué ha d'un hani. }bis.

Ni e huélou ehué
 È leuiné ha joé,
 Ré salvet a bep léh,
 Béléan ha menéh. }bis.

Patriarchet fidel,
 Ha propheted sântel,
 Guet en apostoled
 Hac en ol vartyred. }bis.

Ol couronnet à hloér,
 Palamor d'er victoér
 O dès bet gouniet
 Ar en ol tyrantet. }bis.

— 6 —

Guerhiezed a bep oed,
 A bep stad santezed,
 Intanhuezed, groagué,
 Ol couronnet guet Doué. }bis.

Ol en Æledigueu,
 Ar ou Achelligueu,
 Avel un taul guren,
 È neigeal drèst-hur pen. }bis.

Eurustæd hemb hé far!
 Dré avanç ni ha càre;
 Te gonsol me halon,
 È peb affliction. }bis.

Èn ol poénieu caled
 A gory pé a spered,
 Me chongeou noz ha dé
 È joé ha gloér en né. }bis.

FIN.



